



Na osnovu člana 13. Zakona o kantonalnoj agenciji za privatizaciju ("Službene novine Tuzlansko-podrinjskog kantona", broj 3/97), člana 9. Zakona o privatizaciji preduzeća ("Službene novine Federacije BiH", broj 27/97), člana 6. Zakona o početnom bilansu stanja preduzeća i banaka ("Službene novine Federacije BiH", broj 12/98), poglavlja IV. Uredbe o metodologiji za pripremu programa i izradu početnog bilansa preduzeća za privatizaciju ("Službene novine Federacije BiH", broj 10/98) i člana 3. Uredbe o izmjenama i dopune uredbe o metodologiji za pripremu programa i izradu početnog bilansa preduzeća za privatizaciju ("Službene novine Federacije BiH", broj 26/98), Odluke o utvrđivanju procenta državnog/društvenog kapitala preduzeća za prodaju u velikoj privatizaciji i Odluke o Registru preduzeća za veliku privatizaciju sa pripadajućim kapitalom Upravnog odbora Agencije za privatizaciju u Federaciji BiH i Odluke Upravnog odbora Kantonalne agencije za privatizaciju u Tuzlanskom kantonu od 04.09.2001.godine, Direktor Kantonalne agencije za privatizaciju donosi

Rješenje
o odobravanju korigovanog početnog bilansa
preduzeća DD "BOSANKA" Kladanj

Odobrava se korigovani početni bilans preduzeća DD "BOSANKA", sa sjedištem u Kladnju, JMB 1117157, na dan 30.06.2001.godine.

Ukupan kapital preduzeća iznosi 822.376,00 KM (100% državni kapital)

Procenat državnog kapitala kao i metod prodaje, utvrđen predhodnim Rješenjem o odobravanju programa i početnog bilansa, ostaju nepromijenjeni.

Državni kapital u nominalnom iznosu od 822.376,00 KM (100% državni kapital), prodaje se u postupku velike privatizacije metodom javne ponude dionica.

Obrazloženje

Radi usaglašavanja knjigovodstvene vrijednosti i strukture trajnog kapitala u poslovnim knjigama i početnom bilansu DD "BOSANKA", na dan 30.06.2001. god., sa Rješenjem o odobravanju korigovanog početnog bilansa, neophodno je da preduzeće:

1. Izvrši korekcije na kapitalu u bilansu stanja sa 30.06.2001.godine, odnosno izvrši knjiženja naložena Rješenjem o rezultatima revizije predhodno izvršene vlasničke transformacije broj:UP-I-10-14/00 od 18.12.2000.godine.
2. Isknjiži vrijednost stanova na teret državnog kapitala u iznosu od 317.991,00 KM.

Saglasno članu 6. stav 3. Zakona o početnom bilansu stanja preduzeća i banaka, koji je utvrdio obavezu subjekta privatizacije da sačine i dostave korigovani početni bilans stanja ukoliko je od pripreme proteklo više od 6 mjeseci i Odluci Upravnog odbora Kantonalne agencije za privatizaciju u Tuzlanskom kantonu od 04.09.2001.godine, Direktor Kantonalne agencije za privatizaciju u Tuzlanskom kantonu je donio Rješenje kao u dispozitivu.

Protiv ovog Rješenja može se uložiti žalba resornom Ministarstvu putem KAP u roku od 15 dana od dana prijema Rješenja.

Žalbu može podnijeti Upravni odbor preduzeća.

Podnosilac žalbe dužan je uplatiti Kantonalno administrativnu taksu u iznosu od 5,00 KM, u korist Budžeta TK na ŽR br. 1321000256000080 sa šifrom prihoda

Broj: 19/01-021-4149/2001

Tuzla, 06.09.2001.godine

